



N°354
Entrée le 19.02.2024
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 20.02.2024

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 19/02/2024

Här President,

Sou wéi den Artikel 80 vun eisem Chambersreglement et virgesäit, biede mir lech, dës parlamentaresch Fro un d'Ministesesch fir Landwirtschaft, Ernährung a Wäibau weiderzeleeden.

De Grupp Nestlé Water huet déi franséisch Autoritéiten doriwwer informéiert, dass si fir verschiddene vun hire Waassermarken illegal Desinfektionsmethoden benotzt hunn.

Op rtbf.be ass ze liesen:

"Le numéro un mondial de l'eau minérale, Nestlé Waters, a informé en 2021 les autorités françaises qu'il avait recouru à des traitements interdits d'ultraviolets et de filtres au charbon actif sur certaines de ses eaux minérales pour maintenir "*leur sécurité alimentaire*", a-t-il indiqué lundi à l'AFP, confirmant une information des Echos. [...] La réglementation interdit toute désinfection des eaux minérales qui doivent être naturellement de haute qualité microbiologique, contrairement à l'eau du robinet qui est, elle, désinfectée avant de devenir potable. Une réglementation dont l'interprétation exclut les traitements ultraviolets et les filtres au charbon actif auxquels a eu recours Nestlé Waters au moins jusqu'en 2021, sans qu'on sache la date exacte d'arrêt."

An deem Zesammenhang wéilte mir der Ministesesch dës Froe stellen:

1. Ass gewosst, ob och hei am Land d'Fläschewaasser mat illegale Methoden desinfizéiert gouf?
2. Wéi gött d'Fläschendränkwaasser an deem Sënn hei kontrolléiert?

Mat déiwem Respekt,

GOERGEN Marc
Deputéierten

POLIDORI Ben
Deputéierten



www.piraten.lu



www.piraten.lu



LE GOUVERNEMENT
DU GRAND-DUCHÉ DE LUXEMBOURG
Ministère de l'Agriculture,
de l'Alimentation et de la Viticulture

Äntwert vun der Ministesch fir Landwirtschaft, Ernährung a Wäibau op d'parlamentaresch Fro n° 354 vun den éierbaren Deputéierten Marc Goergen an Ben Polidori

1. Ass gewosst, ob och hei am Land d'Fläschewaasser mat illegale Methoden desinfizéiert gouf ?

Déi zoustänneg Autoritéiten hu keng Kenntnis vun illegale Methode fir d'Desinfektioun vum natierleche Mineralwaasser oder Quellewaasser bei den nationale Produzenten.

Nëmmen déi am Artikel 5 vum modifizéierte Règlement grand-ducal du 24 mai 1998 concernant l'exploitation et la mise dans le commerce des eaux minérales naturelles autoriséiert Methoden duerfen op natierlech Mineral- a Quellewaasser zu Lëtzebuerg applizéiert ginn. Keng Method, déi per Gesetz net erlaabt ass, gouf vun den zoustännegen Autoritéiten autoriséiert.

Bei den Inspektiounen duerch déi zoustännegen Instanze bei de lëtzebuenger Waasserproduzente goufe keng Hiweiser op Bedruch wat d'Desinfektiounsbehandlungen ugeet fonnt.

2. Wéi gëtt d'Fläschendränkwaasser an deem Sënn hei kontrolléiert ?

D'Qualitéit vum Fläschendränkwaasser gëtt permanent vun de produzéierende Betriber bei de Quellen a beim Endprodukt iwwerwaacht. Déi kompetent Autoritéite kontrolléieren duerch Inspektiounen, ob d'Betriber dës Iwwerwaachung richteg maachen. Donieft ginn och d'Hygiène, d'Verpackungsmaterial an den Etiquetage kontrolléiert. D'Frequenz vun de Kontrolle ginn op Basis vun enger Risikoanalyse determinéiert.

Zousätzlech gëtt am Kader vun den offizielle Kontrollen d'Fläschendränkwaasser bakteriologesch a physicochemisch analyséiert. Dobäi gi follgend Substanze bei den Analyse cibléiert: Analgetika, Antibiotiquen, kardiovaskulär Medikamenter, organesch Kontaminanten, Cyclinen, Séisstoff, Hormoner, Pestizidresiduen an hir Metaboliten, PCB a PFAS.

An deem Sënn konnten déi zoustänneg Autoritéite keng Irregularitéite feststellen.

Lëtzebuerg, den 18. Mäerz 2024

D'Ministesesch fir Landwirtschaft, Ernährung a Wäibau

(s.) Martine HANSEN